

"DEBAGOIENA AUKERA ENERGETIKOAK 2030" GARATZEKO ETA FINANTZATZEKO LANKIDETZA HITZARMENA

Bergara, 2023ko maiatzaren 25ean

BILDURIK:

Alde batetik, Gizabidea Fundazioa –helbidea: Zarugalde kalea 30, 20500 Arrasate; IFK: G20089009–, ekitaldi honetan Aritz Otxandiano Kanpok ordezkaturia –NAN: 78.896.8883–Y–, zuzendaria den heinean,

Bestetik, Bergarako Udala – helbidea: San Martin Agirre plaza, 1. 20570 Bergara; IFZ: P2007900J –, ekitaldi honetan Gorka Artola Alberdik ordezkaturia – NAN: 72581398E–, alkatea den heinean,

PARTE HARTZEN DUTE

Aritz Otxandiano Kanpo, GIZABIDEA Fundazioa.

Gorka Artola Alberdi, Bergarako Udalaren alkate gisa parte hartzen badute, «Toki Araubidearen Oinarriak arautzen dituen apirilaren 2ko 7/1985 Legearen (LBRL) 21.1.b) artikulua Udalaren ordezkari izateko ematen dion legezko gaitasuna erabiliz»

AZALTZEN DUTE:



Europako Batzordeak gidatzen du hirien deskarbonizazioa, hiriak direlarik emisioen iturburu nagusietako bat, biztanleen, jardueren eta konpetentzien

kontzentrazioaren ondorioz. Kalkuluen arabera, 2050erako Europako emisioen ia %80k zuzenean hirietan edo hiriei lotutako jardueretan izango dute jatorria.

EBren Itun Berdearen (Green Deal) asmoa da, 2050ean, Europa karbonoan neutroa izango den lehen kontinentea bihurtzea, baina erronka hori hazkunderako estrategia berri gisa bideratuz, kontsumitzen duena baino gehiago emateko estrategia gisa. Bitarteko mugarri gisa, 2030. urterako emisioak %55 murriztea aurreikusten da. Helburu hori betetzeko, "Fit for 55" multzoa ezarri da, zeinetan, beste neurri batzuen artean, ezartzen baita elektrizitatearen %65 iturri berriztagarrietatik etorri behar dela 2030erako, eta, horretarako, 500 GW-etik gorako ahalmena izango duten berriztagarriak instalatu behar dira EBn (egungo ahalmen berriztagarria halako bi inguru).

Hirien eta udalerrien esparruan, Batzordeak "Klima eta Energiarako Alkateen Ituna" abiarazi zuen, 2020rako helburuak lortzeko hain harrera ona izan zuen Alkateen Itunaren ekimenaren jarraipen gisa (10.000 inguru Europan, eta horietatik ia 1.900 Espainiakoak dira eta 20 EAEkoak: hiru hiriburuez gain, Irun, Tolosa, Oñati, Hondarribia, Basauri, Portugalete, Usurbil eta abar daude). Itun berriak (Mayor's Adapt) 2030erako ezartzen duen helburua da Berotegi Efektuko Gasak %40 murriztea, energia efizientzia %27 handitzea eta iturri berriztagarrietatik sortutako energia %27 izatea. Helburu horiek espezifikoak dira PACESi atxikitzen zaizkion hirientzat.

- II. Horrez gain, "hiri adimentsu eta klimatikoki neutroen" misioa ere abiatu da, 2030erako kliman neutroak diren ehun hiri lortzea helburuarekin.

Estatuko esparrua (PNIEC):

Azpimarratzekoa da 2021eko martxoaren 16an onartu zen Energia eta Klima Plan Nazional Integratu berriak (PNIEC 2021-2030) helburu hauek ezartzen dituela:

- BEG emisioen %23ko murrizketa 1990eko datuekin alderatuta
- Energiaren azken erabileraren %42 berriztagarriak izatea
- Efizientzia energetikoa %39,5 hobetzea
- sorkuntza elektrikoan %74 energia berriztagarria izatea.

Helburu horien helburua da 2050ean ekonomia deskarbonizatzea, hau da, 1990arekin alderatuta, BEGen guztizko emisio gordinak gutxienez %90



murritzea. Gainera, %100 berriztagarria den sistema elektriko bat lortu nahi da data horretarako.

Mugikortasunean aldaketa modal bat aurreikusten da, gaur egun errekontzako ibilgailu arruntetan egiten diren kilometro eta bidaiarien %35i eragingo diena (2023rako emisio txikiko eremuak), eta 2030ean 5 milioi ibilgailu elektrikora iristea ere aurreikusten da. Beranduenez, 2040rako ibilgailu berri guztiak 0gCO₂/km izango dira.

Gutxienez eraikuntza parke publikoaren %3 berritzea aurreikusten da, Energia Efizientziari buruzko Zuzentarauaren arabera.

Lan ildo gisa, garraioaren eta berokuntzaren elektrifikazioa hartzen da emisioak murriztea lortzeko eremu nagusitzat.

Esparru autonomikoa (EAE):

EAEko Klima Aldaketaren Estrategia, KLIMA 2050:

Euskal Autonomia Erkidegoko KLIMA 2050 Estrategiak helburu hau du 2030erako: berotegi efektuko gasen emisioak %40 murriztea 2005. urtearekin alderatuta, eta %80 murriztea 2050. urterako. Halaber, azken kontsumoarekiko, 2050ean energia kontsumoaren %40 berriztagarria izatea espero da. Ildo honetan Urban Klima 2050 proiektua azpimarratu behar da, klima aldaketara egokitzeke 40 proiektu eta ekintza koordinatuko dituen, 6 urteko iraupenean.

3E2030 Euskadiko Energia Estrategia:

Dokumentu honek 2030erako energia sektorerako helburu nagusiak jasotzen ditu, eredu sozioekonomikoaren bilakaera progresibo bat kontuan hartuta, batez ere industriari, eraikinei eta garraioari dagokienez, energia berriztagarriak progresiboki sartuz, sistemaren efizientzia handiagoa lortuz, eta energia elektrikoa energia bektore nagusitzat hartuz.

Dokumentuak, helburu espezifikoek gain, hainbat arlotako helburu zehatzak dituzten jarduerak ere jasotzen ditu.

2021-2024 Trantsizio Energetikorako eta Klima Aldaketarako Plana:

2021eko urrian onartuta, helburuak dira BEGen emisioak %30 murriztea, energia berriztagarrien kuota azken energia kontsumoaren %20ra arte igotzea eta euskal lurraldean klima aldaketarekiko erresilientzia ziurtatzea.

Jasangarritasunaren 4/2019 Legea:

Administrazio publiko guztiak behartzen ditu (udal administrazioak barne) neurri jakin batzuk hartzera, besteak beste:

- Eraikinen %40ren kalifikazioa energetikoa hobetzea (2030)
- Eraikin berrien eta eraberritze integrala egiten zaien eraikinen energia kontsumoa ia nulua izatea lortu beharko da (derrigorrezkoa 2018ko abendutik aurrera)
- Eraikinen kontsumoaren %32ko kuota lortzea energia berriztagarri propioekin hornituta (2030)
- Ibilgailu guztiak ordezeko erregaien bidez propultsatzea.

Baina, sektore publikoa ez ezik, sektore pribatua ere behartzen du, eta sektore publikoari hori betearazteko eskakizuna ezartzen dio. Adibidez, industria sektorean energia auditoretzak egiteko derrigortasuna, mugikortasun planak, hidrokarburo likidoak ezabatzea, etab.

- III. Debagoiena eskualdeko hainbat udalerri, erakunde publiko eta eragile nagusiak (Debagoieneko Mankomunitatea, Arrasateko Udala, Bergarako Udala, Oñatiko Udala, Gipuzkoako Foru Aldundia, FAGOR S.COOP., Ulma Talde Kooperatiboa, Mondragon COOP, Goiena Komunikazio Taldea Koop. Elkarte, Garaia Parke Teknologikoa Koop Elkarte, Saiolan SA eta Agirre Lehendakaria Fundazioa) "Debagoieneko Berrikuntza Irekiko Plataforma" proiektuaren ingurura bildu ziren (gaur egun, "Debagoiena 2030"), lankidetzaren tresna gisa eratuta. Lehen bilera gobernu batzorde baten bidez egin zen, 2019ko urtarrilaren 16an, batzordea goi organo gisa eratu zelarik, proiektuaren bide nagusiak definitzeko ardurarekin.

Lehen saio hartan, plataformaren aurkezpena egin zen, eta etorkizuneko "D2030 EGITASMOA SUSTATZEKO ARTEKO LANKIDETZA HITZARMENA" definituko zuten ildo nagusiak aurreratu ziren, hainbat alderdi azalduz, hala nola sektoreen arteko lankidetzarako bitartekoak, sarea ezartzeko metodologia, plataformaren lau foku nagusiak (Iraunkortasuna eta energia, Lanaren etorkizuna, Aukera berdintasuna eta Hezkuntza), besteak beste.

Aurrekoarekin batera, bulego teknikoaren sorrera eta funtzioak azaldu ziren, eta dinamizatzailer eta bultzatzailearen rola GIZABIDEA FUNDAZIOARI esleitu zitzaion, erakunde egokiena zelako lan hori egiteko, berez duen ezagutzagatik eta funtzionamenduagatik.

Lankidetzaren testuinguru horretan, aurreko puntuan aipatutako erakundeek "D2030 EGITASMOA SUSTATZEKO ARTEKO LANKIDETZA HITZARMENA" sinatu



zuten 2020ko uztailaren 22an, eta hitzarmena sinatzeko konpromisoa hartu zuten, "D2030 Garapen Iraunkorreko Sarea" bultzatzeko.

Sinatutako proiektuaren erronka nagusia da Debagoiena eskualdearen trantsizio jasangarria egitea, erakunde publikoen, eragile ekonomikoen, ezagutzaren eragileen eta gizarte eragileen arteko lankidetzaren mekanismoen bidez, eskualdearen egungo egoeraren diagnostiko bat eginez eta agenda partekatu bat definituz, etorkizunean planteatzen diren erronka askotariko eta konplexuei irtenbidea emateko. Ildo horretan, proiektu bateratuaren ikuspegiaren abiapuntua da ingurunearen garapen komunitarioan sakontzea, 2050erako eskualde adimendun, inklusibo eta klimatikoki neutroa lortzeko.

Horretarako, proiektuaren ardatza erantzun komunitario eta eraldatzaile propioa sustatzea da, Debagoiena eskualdean XXI. mendean dauden erronka globalei erantzuteko, pertsonen ikusmoldeetan eta balioetan eragiten duten eragileen eta pertsona partikularren arteko loturak gauzatzuz, erronka horiei eman beharreko erantzunean eragin nabarmena izango duten ekimen eta proiektu berritzaileak sustatuz.

- V. 2020ko irailean, D2030 Gobernu Batzordeak eskualdean energia trantsizioa bultzatzeko prozesu bat sustatzeko ekimena onartu zuen. Prozesuaren helburua da eskualdeko eragileen artean energiak planteatzen duen erronka aztertzea eta lankidetzan oinarritutako hainbat ekintza diseinatzea eta garatzea ("portfolioa"). Bederatzi hilabetez eskualdearen erronka energetikoa aztertzen eta eragileekin aukerak definitzen aritu ondoren, 2021eko uztailera D2030eko Gobernu Batzordeari eskualdeko eragileen artean adostutako proiektuen zerrenda bat aurkeztu zitzaion.

Energiaren portfolioan gauzatu beharreko proiektuen artean, "DEBAGOIENA AUKERA ENERGETIKOAK 2030" dago. Proiektu horren helburua da, batez ere, Debagoienaren etorkizuneko energia egoeraren prospektiba teknikoa egitea, ENERGIAREN KONTSUMOA eta SORKUNTZA konparatuz (mota eta potentzial teknologikoa), eta 2021eko uztailera gobernu batzordeak onartutako helburuei eta estrategiari erantzun nahi dien proiektu espezifikoetako bat da.

Proiektu horretarako, TECNALIA Zentro Teknologikoak lankidetzaren proposamen bat aurkeztu du, "DEBAGOIENEN ERAIKINEN PLAN

ENERGETIKOA" izenarekin. Guztira, 69.714 euro (BEZa barne) inbertitu behar dira proiektua garatzeko.

- VI. GIZABIDEA fundazioa (aurrerantzean, GIZABIDEA) nortasun juridiko propioa duen eta gaitasun juridiko eta jarduteko gaitasun osoa duen fundazioa da, baita beste erakunde batzuekin beren helburuak betetzeko lankidetzakordio aldeaniztunak izenpetzeko ere.

GIZABIDEAren Fundazio Estatutuen 6. artikulua araberak, helburua da Hezkuntza sustatzea, irabazi asmorik gabe, eta, bereziki, pertsonen eta gizartearen ikerketa eta prestakuntza teknologikoa, modu progresiboan **eraldaketa sozioekonomikoa egiteko, komunitatearen premien eta aukeren bilakaerarekin bat etorriz.**

Halaber, GIZABIDEA baliabide ekonomikoak eta giza baliabideak orientatzera eta optimizatzera bideratutako erakunde bat da, baliabide horiek ikerketaren arloko helburuak lortzera bideratuz, ikerketatzat hartuta *«Etorkizuneko jardueren eta bizimoduaren eta lan moldeen prospekzioa»*, baita beste berrikuntza batzuk ere, berrikuntza sozialeko prozesuetan parte hartzen duten eragileen arteko lankidetzak eta koordinazioa sustatuz (publikoak, kooperatiboak, pribatuak, sozialak, akademikoak...).

Egungo koiunturan eremu horiek behar bezala bultzatzea eta helburuak eta xedeak Debagoieneko komunitatearen onurarako proiektuetan gauzatzea beharrezkoa dela jakitun, "Debagoieneko Berrikuntza Irekiko Plataformak" bere gain hartu zuen dinamizatzailerak eta bultzatzaile izateko rola, berez dituen ezagutza eta funtzionamenduaren ondorioz erakunderik egokiena delakoan, eta horrela onartu zuen plataformaren Gobernu Batzordeak 2019ko urtarrilaren 16an egindako bileran.

Rola bere gain hartuta, GIZABIDEAk konpromisoa hartu zuen "D2030 Garapen Iraunkorreko Sarea" bultzatzeko, bere konpromisoen artean egonik *«Beste eragile batzuk aktiboki inplikatzeko, proiektuaren garapena ahalbidetuko duten konexioak sortuz»*, kontuan hartuta hitzarmena "DEBAGOIENA AUKERA ENERGETIKOAK 2030" proiektua garatzera bideratuta dagoela, GIZABIDEAren beraren helburuekin bat datorrela eta, plataformaren dinamizatzailerak den heinean, hartu dituen funtzioak betetzera zuzentzen dela.



Gauzak horrela Gizabideak Tecnaliari adjudikatu dio Eraikuntza Sektorerako Energia Plan bat egitea Tecnaliak aurkeztutako eskaintza onartuta. Proiektu hori burutzeak 52.914 euroko kostua du (BEZ barne) eta udalei eskatu die kostu horren %24a Udalek diruz laguntzea.

- VII. Bergarako Udalak egokitzen jotzen du proiektu honetara atxikitzea Gizabidea Fundazioari 2.400 euroko dirulaguntza bat ematea erabaki du 2023ko maiatzaren 17ko dekretuaren bitartez.

Bergarako udalarekin batera Gizabidea Fundazioaren proiektua burutzeko dirulaguntza emango dute Antzuola, Aretxabaleta, Arrasate, Elgeta, Eskoriatza, Gatzaga, Oñati eta Aramaioko udalek, horietako bakoitzak 2.400 euroko dirulaguntza emanda Fundazioari. Dirulaguntza hori da proiektu osoa burutzeko (hala, 1 fasea: diagnostikoa; 2 fasea: azterketa, 3 fasea: Emaizta eta ondorioak).

- VII. Sektore Publikoaren Araubide Juridikoari buruzko urriaren 1eko 40/2015 Legeak 47.2 artikuluan ezartzen duenez, administrazio arteko hitzarmenak izango dira "administrazio publiko biren edo gehiagoren artean sinatutako administrazio arteko hitzarmenak, edo administrazio publiko diferenteei lotutako edo haien mendeko organismo publiko edo zuzenbide publikoko entitate biren edo gehiagoren artean sinatutakoak. Hitzarmen horien barnean bildu ahalko da beste administrazio publiko baten edo lotutako edo mendeko organismo publiko edo zuzenbide publikoko entitate baten bitarteko, zerbitzu eta baliabideak erabiltzea, eskumen propioak edo delegatuak baliatzeko".

Halaber, Sektore Publikoaren Araubide Juridikoari buruzko urriaren 1eko 40/2015 Lege horren 48. artikuluan jasotzen da baita ere Administrazio Publikoarentzako konpromiso finantzarioak dakartzaten hitzarmenak sinatu ahal izango direla horiek kudeaketa publikoaren efizientzia hobetzen badute, bitarteko eta zerbitzu publikoen baterako erabilera errazten badute, erabilgarritasun publikoko jarduerak egin daitezzen laguntzen badute eta finantzarioki jasangarriak badira.

Horrez gain, Sektore Publikoko Kontratuei buruzko azaroaren 8ko 9/2017 Legearen 6.1 artikuluan ezartzen denez, lege horren eremutik kanpo geratzen dira lege horretan edo arau administratibo berezietan araututa dauden kontratuen edukian sartzen ez den edukia duten hitzarmenak,

besteak beste, toki entitateek elkarren artean egindakoak, eta kanpoan geratzeko baldintza hauek bete beharko dira:

- a) Esku hartzen duten erakundeek ez dute merkatu bokaziorik izango.
- b) Hitzarmenak erakunde parte-hartzaileen arteko lankidetzat bat ezartzea edo garatzea, bermatze aldera dagozkien zerbitzu publikoak halako moduz ematen direla non amankomunean dituzten helburuak lortuko baitira.
- c) Lankidetzaren garapenerako gida bakarra interes publikoarekin lotutako alderdiak izatea.

Sinatu beharreko hitzarmenaren edukia ikusita, Sektore Publikoaren Araubide Juridikoaren urriaren 1eko 40/2015 Legearen eta Sektore Publikoko Kontratuen azaroaren 8ko 9/2017 Legearen baldintzak betetzen dira, administrazioen arteko lankidetzat hitzarmen baten aurrean gaudela adierazteko.

Ondorioz, inplikaturako aldeek **LANKIDETZA HITZARMEN** hau formalizatzen dute, administrazioen arteko eta erakunde pribatuekiko harremanak ezaugarritzen dituen lankidetzat eta elkarlan espirituarekin bat etorrita, klausula hauen arabera,

KLAUSULAK:

LEHENENGOA.- Xedea.

Hitzarmen honen xedea da Eraikuntza sektorerako Energia Plan bat gauzatzeko eta finantzatzeko lankidetzat esparrua ezartzea Debagoiena eskualdean eta bertako udalerrietan: Elgeta, Antzuola, Bergara, Oñati, Arrasate, Aretxabaleta eta Aramaio.

Plan horrek aukera eman behar du energia egoeraren bilakaera prospektiboa aztertzeke, eskariari eta irtenbide teknologikoei dagokienez. Horretarako, energia berriztagarrien potentzial erreala eta eraikuntza sektorean nola aplikatu daitekeen aztertu behar da, bai etxebizitza mailan, bai zerbitzu mailan. Horretarako, helburu espezifiko hauek aurreikusten dira, Planaren beraren parte izango direnak:

- Energiaren diagnostikoa egitea, bai udalerritan mailan, bai eskualde mailan.
- Berriztagarrien potentziala aztertzea.
- 2030erako espero diren kontsumo agertokiak definitzea



- Deskarbonizazio neurriak ezartzea eta izan dezaketen inpaktua neurtzea
- Neurriak ezartzeko eta kuantifikatzeko kronograma bat prestatzea
- Ingurumenean eta ekonomian duten inpaktua aztertzea

Egindako azterketatik dokumentu bat lortuko da, modu sintetikoan analizatuko dituen gaur egungo egoera, energia kontsumoei eta horiei lotutako emisioei dagokienez aurreikusitako bilakaera, emisioak nabarmen murrizteko hartu daitezkeen neurriak eta sorkuntza berriztagarri banatua gehitzea sistemaren deskarbonizazioa lantzeko ildo nagusi gisa, zeina espezifikoki **Bergarako** udalerriko eraikinetan ere ezarriko baita.

BIGARRENA.- Proiektua garatzeko kudeaketan eta finantzaketan laguntzea. Aldeen betebeharrak.

Aldeek adierazten dute interesa dutela lankidetzaren mekanismo espezifikoak ezartzeko, batez ere LEHENENGO atalean deskribatutako funtsezko jardueretan, ingurumen jasangarritasunari eta berrikuntza teknologikoari dagokienez duten garrantziagatik, Debagoienaren etorkizuneko energia kontsumoan eta egoera energetikoan eragin ditzaketen inpaktua dela eta.

Hori esanda, proiektua betetzeko, aldeek konpromisoa hartzen dute jarduera hauek egiteko:

1. GIZABIDEA Fundazioaren aldetik:

- Proiektua 52.914 euroekin finantzatzea (BEZa barne), hau da, proiektuaren aurrekontu globalaren %76.
- TECNALIArekin harreman zuzena izatea ondorio guztietarako.
- Eskualdearen eta eskualdeko udalerri bakoitzaren egungo eta etorkizuneko energia diagnostikoa kudeatzea, udalerriari buruzko informazioa bilduz, datu base publikoetan dagoen informazioaren bidez eta udalerriek eraikinen lehen mapaketa egin ahal izateko emandako informazioa kontuan hartuta.
- Proiektua garatzeko sortzen den barne datu basearen parametroei lotutako balioak ebaluatzea, balio berriak proposatzeko aukerarekin. Zehazki, identifikatutako eraikinen parametro hauek ebaluatuko dira:

- o Eraikinen adin tartea.

- Programazioa.
 - Barne irabaziak.
 - Kristalezko azaleraren ehunekoa fatxadaren azalerarekiko.
 - U balioa.
 - Aireztapenak eragindako galerak.
 - Energia eskaera ur bero sanitarioarako.
 - Energia sistemaren errendimendua.
 - Energiaren prezioa eta ingurumeneko bihurketa faktorea.
- Lortutako informazioan oinarritutako diagnostiko energetikoa kudeatzea eta egungo egoeraren diagnostikoaren parte izango diren irteerako artxiboak sortzea, eta lortutako emaitzen azterketa eta berrikuspen kritikoa egitea, udalerriekin eta Debagoiena 2030ekin batera.
 - 2030erako espero diren kontsumo agertokiaren diagnostikoa egitea.
 - Azterlan horretan lehentasunezkoa den eraikuntza sektoreari dagokionez, modu errealistan ibilbidea izan dezaketen berriztagarrien azterketa potentzial bat egitea. Gutxienez, hauek aztertuko dira: geotermia, aeotermia, eguzki fotovoltaikoa, eguzki termikoa eta biomasa.
 - Gaur egun energia sistemak elikatzen dituen fuel mota definitzea.
 - Egungo sistemak sorkuntza sistema berriztagarriekin ordezkatzeko oztopoak eta aukerak definitzea.
 - Biomasa Debagoiena eskualdean dituen aukerak eta egungo egoera aztertzea.
 - Debagoieneko estalkien gehieneko potentziala aztertzea, udalerrietarako eguzki mapa urbano bat sortzeko eta horien potentzial energetikoa aztertzea, eta eguzki energia fotovoltaikoa ekoizteko potentzialari edo itzal patroien kalkuluari lotutako lehen kalkuluak egitea mapako edozein puntutan.
 - Eraikuntza sektorean energia kontsumoa murrizteko eszenatokiak garatzea eta ebaluatzea.



- Eskualdean RES implementatzeko potentzial handienaren agertokia elkarrekin definitzea, 1. agertoki optimoa simulatuz, 1. faseko eta 2. faseko emaitzetan oinarrituta, amortizazio aldia, gehieneko inbertsioak eta antzeko mugak kontuan hartu gabe.
- Gehieneko egoera potentzialetik eta eskualderako ezartzen diren deskarbonizazio helburuetatik abiatuta, gehienez hiru agertoki alternatibo zehaztu ahal izango dira.
- Energiari, ingurumenari eta ekonomiari dagokienez, ebaluatzea zein den egokiena helburuko agertoki potentzial gisa. Ebaluazioaren emaitza, beraz, proposatutako neurrien kuantifikazioaren bidez helburu gisa lortu beharreko agertoki bakar bat ezartzea izango da.
- Debagoieneko 2030erako Energia Plana egitea.
- Eskualdean eta udalerrietan eraikuntza sektorerako energia kontsumoa murrizteko helburu nagusiak zehaztea.
- Eraikuntza sektorea deskarbonizatzeko aplikatu daitezkeen neurriak aztertzea. Energia berriztagarrien eta energia sistemen aldaketen potentziala kontuan hartzea, baita eraikinen energia efizientzia hobetzeko neurri pasiboak ere.
- Neurriak energiari, ingurumenari eta ekonomiari dagokienez ebaluatzea, eta, halaber, inplementazioaren kostua baloratzea, garapen potentziala ekonomikoki ebaluatu ahal izateko, eta pay-back baliokidea kalkulatzeko.

Jarduera horiek gauzatzeko, GIZABIDEAK kanpoko aholkularitza eduki ahal izango du.

2. Bergarako udalaren aldetik:

- Udalerrian aztertu diren eraikinei buruzko informazio tekniko zehatza eta egiazkoa ematea.
- Eskura dauden datuak egokitzeko, garbitzeko eta antolatzeke aurre-prozesu bat egitea.
- Proiektua garatzeko sortzen den barne datu basearen parametroei lotutako balioak ebaluatzea, balio berriak proposatzeko aukerarekin. Zehazki, identifikatutako eraikinen parametro hauek ebaluatuko dira:

- Eraikinen adin tartea.
 - Programazioa.
 - Barne irabaziak.
 - Kristalezko azaleraren ehunekoa fatxadaren azalerarekiko.
 - U balioa.
 - Aireztapenak eragindako galerak.
 - Energia eskaera ur bero sanitarioarako.
 - Energia sistemaren errendimendua.
 - Energiaren prezioa eta ingurumeneko bihurteta faktorea.
- Galdara zentratei, eguzki instalazioei, bero ponpei eta abarri buruzko informazio georreferentziatua ematea eta identifikatzen laguntzea.
 - Gaur egun energia sistemak elikatzen dituen petroliotik eratorritako erregai mota definitzea.
 - Eskualdean RES inplementatzeko potentzial handienaren agertokia elkarrekin definitzea, 1. agertoki optimoa simulatuz, 1. faseko eta 2. faseko emaitzetan oinarrituta, amortizazio aldia, gehieneko inbertsioak eta antzeko mugak kontuan hartu gabe.
 - Debagoieneko 2030erako Energia Plana egiten laguntzea.
 - Ekimena 2.400 euroekin finantzatzea, udal aurrekontuaren zati bat horretarako jarritz.

HIRUGARRENA.- Hitzarmenaren helburuei lotutako beste jarduera batzuk

Hitzarmen honetan aurreikusitakoaren esparruan, aldeek beste jarduera mota batzuk egitea hitzartu ahal izango dute, beren eskumenen esparruan, batez ere beste administrazio publiko batzuek eta Fundazioaren Patronatuak eskatu dezaketenaren esparruan.

LAUGARRENA.- Hitzarmenetik eratorritako betebeharrak ekonomikoak finantzatzea

I.- GIZABIDEAK proiektuaren garapenaren ondorioz sortutako gastuen zati bat ordainduko du, bere funts propioak jarritz, 52.914 euro arte (BEZa barne).

Bergarako Udalak proiektua finantzatzen lagunduko dio GIZABIDEARI 2.400 euroko laguntza zuzena emanez Horretarako, adostutako ekarpena gauzatzeko behar diren jarduerak guztiak egin beharko dira.



III.- Hitzarmen honetan xedatutakoarekin batera, GIZABIDEAK Dirulaguntzei buruzko azaroaren 17ko 38/2003 Lege Orokorrean eta hori garatzeko araudian ezarritakoa bete beharko du, baita laguntza emateko ebazpenaren ondoriozko beste edozein betebeharrak espezifikoki ere.

BOSGARRENA.- Jarraipen batzordea

I.- Hitzarmen honetan aurreikusitakoaren jarraipena egiteko, Jarraipen Batzorde bat eratu da. Batzordea Gizabidea eta Bergarako Udaleko kideek osatuko dute, eta alde bakoitzak kide bana izendatuko ditu. Batzordeko lehendakaria Administrazioaren ordezkarietako bat izango da, eta GIZABIDEAK ordezkarietako bat izango da idazkaria.

Akordioak botoen gehiengoarekin hartuko dira.

Berdinketa gertatuz gero, Batzordeko lehendakariak bere kalitate botoarekin ebaztuko ditu akordioak.

Jarraipen eta Kontrol Batzordeko idazkariaren eginkizunak izango dituen pertsona bileretara joango da eta eztabaidetan parte hartuko du, hitzarekin eta botoarekin.

Jarraipen eta Kontrol Batzordearen akordioak aktan jasoko dira.

Batzordearen bilerak lehendakariak deituko ditu, eta lehendakaria eta idazkaria edo, hala badagokio, horien ordezkariak eta kideen erdiak, gutxienez, bertaratzea eskatuko da, aurrez aurre edo urrutitik.

Nolanahi ere, Jarraipen eta Kontrol Batzordea, akordio honetan xedatutakoak ez ezik, Sektore Publikoaren Araubide Juridikoari buruzko urriaren 1eko 40/2015 Legearen 15. artikuluan eta hurrengoetan aurreikusitako funtzionamendu arauak ere arautuko dute.

II.- Jarraipen Batzordeak, besteak beste, honako egiteko hauek izango ditu:

- Hitzarmenean erabakitakoaren kudeaketa, jarraipena, zaintza eta kontrola.
- Hitzarmenetik eratorritako interpretazio eta betetze arazoak konpontzea.
- Egokitzeak jotzen dituen hobekuntzak eta aldaketak formalizatzea proposatzea.
- hitzarmenaren indarraldia amaitzean, adostutako jarduerak eta justifikazio dokumentazioa egiaztatzeak dagokion akta egitea.

Jarraipen Batzorde Teknikoa, oro har, urtean behin elkartzeko da, eta, ohiz kanpo, edozein kidek eskatuta.



Bilerak bitarteko telematikoen bidez egin ahal izango dira.

SEIGARRENA.- Hitzarmenaren indarraldia

I.- Hitzarmen hau alderdien baimenarekin perfektionatu da

II.- Lehen aipatutako 40/2015 Legearen 49.h) artikulua arabera, hitzarmen honek 2023ko ekaina arteko indarraldia izango du.

ZAZPIGARRENA.- Ordainketa eta justifikazio era.

Dirulaguntza ordaintzeko era izango da:

- I. Zehaztutako kopuruaren %40 ordainduko da hitzarmena sinatzean; baldin eta aurkezten badira ondoko dokumentuak, udal zerbitzuek egiazta ditzaten:
 - a. Zerga obligazioen eta Gizarte Segurantzako ordainketetan egunean egotearen ziurtagiri eguneratua.
 - b. Ordainketa egingo den kontuaren titulartasun agiria.
- II. Gainontzeko %60a ordainduko da proiektuaren amaierako Memoria aurkeztutakoan eta udal zerbitzuek Memoria hori ontzat emandakoan. Memoria aurkezteko hilabeteko epea izango du eta ondoko dokumentuak jaso beharko ditu:
 - a. Proiektu osoaren exekuzio-memoria.
 - b. Memoria ekonomikoa: Proiektu osoaren memoria, bai gastuei dagokionez, baita diru sarrerei dagokionez ere.
 - c. Zuritzen diren gastuen fakturak.
 - d. Zerga obligazioetan eta Gizarte Segurantzako ordainketetan egunean egotearen ziurtagiri eguneratua.
 - e. Adierazpen erantzulea dokumentu guztiak egiazkoa direla.
 - f. Jasotako beste dirulaguntzen gaineko informazioa eta jaso ez bada, zinpeko aitortpena.

ZORTZIGARRENA - Hitzarmena aldatzea.

Hitzarmen honen edukia aldatu ahal izango da, bi aldeak ados jarrita, hitzarmenaren garapenaren eta egin litezkeen arau aldaketen arabera beharrezkoak diren alderdietan.

BERATZIGARRENA .- Emaizten jabetza eta ustiapena. Jabetza industrial eta intelektual.



I.- Aldeek aldeaz aurretik zituzten jabetza intelektualeko eta industrialeko eskubideen titularrak izaten jarraituko dute.

II.- Aldeak, jabekidetzaren erregimenean, Hitzarmen honetatik eratorritako emaitzen titularrak izango dira.

III.- Alde bakoitzak askatasunez ustiari ditzake emaitzak, legerian aurreikusitako muga bakarrekin. Halaber, Aldeek jabekidetzaren arautzeko akordio bat sinatu ahal izango dute, hemen aurreikusitako jabekidetzaren zehaztasun handiagoz arautzeko.

HAMARGARRENA .- Datu pertsonalen babesa.

Ez da aurreikusten datu pertsonalik erabiltzea. Dena den, sinatzen duten aldeek konpromisoa hartzen dute baleude, datu pertsonalen tratamenduaren arduradunak ezarritakoaren arabera tratatzeko eta Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB), datu pertsonalen tratamenduan pertsona fisikoaren babesari buruzkoan, eta Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan xedatutakoa betetzeko.

Kasu horretan datu pertsonalak zeditu aurretik datuak tratatzeko betebeharrekoak adierazi dizkio beste aldeari.

HAMAIKAGARRENA .- Aldeek beren gain hartutako betebeharrak eta konpromisoak ez betetzetik eratorritako ondorioak.

I.- Hitzarmenaren sinatzaile batek bere gain hartutako betebeharrak eta konpromisoak ez betetzea hitzarmena suntsiarazteko arrazoia izango da, Sektore Publikoaren Araubide Juridikoari buruzko urriaren 1eko 40/2015 Legearen 51.2.c) artikuluan xedatutakoaren arabera.

Hitzarmena sinatu duten aldeetako edozeinek errekerimendu bat jakinarazi ahal izango dio beste aldeari, epe jakin batean beste ez direla uste diren betebeharrak edo konpromisoak bete ditzan. Errekerimendu horren berri emango zaio Jarraipen Batzorde Teknikoari.

Errekerimenduan adierazitako epea igaro ondoren, salatu den ez-betetzeak jarraitzen badu, hura abiarazi zuen aldeak suntsiarazteko arrazoia dagoela jakinarazi beharko du eta, horren ondoren, hitzarmena suntsituztatuko da.

Hitzarmena ez betetzeagatik suntsiarazteak egiaztatuta geratzen diren kalteen kalte orokorra ekarri ahal izango du.



II.- Betebeharrak eta konpromisoak ez betetzea ekimen honen sinatzailearen bat banantzearen ondorioz gertatzen bada, hark dagokion kalte ordaina hartu beharko du bere gain, betetzen ari den aldeari eta bertan jarraitzen duten hitzarmenaren gainerako sinatzaileei kaltegabetasuna bermatzeko, eta, nolahi ere, eta adierazpen gisa eta ez mugatzaile gisa, zerbitzuaren xedean egon daitekeen murrizketagatik esleipendunari legozkiokeen kalte ordainak, baita gainerako partaideei gehiegizko karga ekonomikoak eragiteagatik eta abarregatik ere dagozkienak ere.

Betebeharrak ez betetzearen ondorioz hitzarmena suntsiarazteko arrazoia badago, hurrengo klausulan xedatutakoari jarraituko zaio.

HAMABIGARRENA .- Hitzarmena azkentzeko eta suntsiarazteko arrazoiak.

I.- Hitzarmen hau azkendu egingo da bere xedeko jarduerak betetzen direlako edo suntsiarazteko arrazoia dagoelako.

Hauek dira suntsiarazteko arrazoiak:

- a) Hitzarmenaren indarraldia igarotzea, luzatzea erabaki gabe.
- b) Sinatzaile guztien aho bateko akordioa.
- c) Sinatzailearen batek bere gain hartutako betebeharrak eta konpromisoak ez betetzea. Kasu horretan, aldeetako edozeinek errekerimendu bat jakinarazi ahal izango dio bete ez duen aldeari, bi hilabeteko epean bete ez direla uste diren betebeharrak edo konpromisoak bete ditzan. Errekerimendu hori Jarraipen Batzordeko lehendakariari eta beste alde sinatzaileari jakinaraziko zaie.

Errekerimenduan adierazitako epea igaro ondoren, salatu den ez-betetzeak jarraitzen badu, hura abiarazi zuen aldeak suntsiarazteko arrazoia dagoela jakinaraziko dio beste alde sinatzaileari suntsiarazteko arrazoia gertatu dela, eta hitzarmena suntsitutzat joko da.

- d) Hitzarmena nulua dela deklaratzeko duen erabaki judizialagatik.
- e) Hitzarmenean edo beste lege batzuetan aurreikusita ez dagoen beste edozein arrazoiengatik.

Hitzarmena bete eta/edo suntsiarazi ondoren, likidazioa egingo da, alde bakoitzaren betebeharrak eta konpromisoak bete diren zehazteko.



a) Likidaziotik ondorioztatzen bada alderen batek gauzatutako jardueren zenbatekoa txikiagoa dela alde horrek hitzarmenaren gainerako aldeengandik exekuzioa finantzatzeko jaso zituen funtsak baino, alde hark beste aldeetako bakoitzari dagokion soberakina itzuli beharko die, likidazioa onartzen denetik gehienez hilabeteko epean.

Aurreko paragrafoan aipatutako gehieneko hilabeteko epea igaro eta itzulketarik egin ez bada, itzulketa horri aplikatu dakioken berandutze interesa ordaindu beharko zaie beste aldeei, hori ere hilabeteko epean, une horretatik zenbatzen hasita. Interes hori, nolatan ere, gastu publikoa eta sektore publikoaren jardura ekonomiko-finantzarioa arautzen dituzten xedapen orokorren ondoriozkoa izango da.

b) Handiagoa bada, hitzarmenaren gainerako aldeek, likidazioa onartzen denetik hilabeteko epean, dagokion aldeari ordaindu beharko diote bakoitzari dagokion zatia, alde bakoitzak hitzarmenaren arabera emango zituela hitz emandako zenbatekoen gehieneko mugarekin. Diferentzia auditoretza txostenetik abiatuta kalkulatu da, suntsiarazpenaren egunera arte garatutako jarduerak kontuan hartuta. Hitzarmeneko aldeek ez dute inolako eskubiderik izango gainerakoei gehieneko muga horiek gainditzen dituen zenbatekorik eskatzeko.

HAMAHIRUGARRENA.- Datuen konfidentzialtasuna eta babesa

Udalak eta GIZABIDEAK konpromisoa hartzen dute beren jardueraren ondorioz eskura ditzaketen informazio eta datuen izaera konfidentziala errespetatzeko, eta lehen aipatutako Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta Datu Pertsonalak Babesteari eta Eskubideen Bermeari buruzko abenduaren 5eko 3/2018 Lege Organikoan jasotako manuak betetzeko betebeharra dute

HAMALAU GARRENA.- Hitzarmenaren izaera eta jurisdikzio aplikagarria

Lankidetzak Hitzarmen honek izaera administratiboa dauka, Sektore Publikoko Araubide Juridikoaren urriaren 1eko 40/2015 Legearen 47. eta hurrengo artikuluetan xedatutakoaren arabera.

Lankidetzak hitzarmen hau garatu eta gauzatzean aldean artean sortzen diren auziak, akordioa formalizatzeko dokumentu honen bosgarren klausulan aurreikusitako Jarraipen eta Kontrol Batzordeak konpondu ezin baditu, Espainiako Administrazioarekiko auzien jurisdikzioaren mende jarriko dira, Administrazioarekiko Auzien Jurisdikzioa arautzen duen uztailaren 13ko 29/1998 Legean xedatutakoaren arabera.



Ados daudela erakusteko, lankidetza hitzarmen hau sinatzen dute, alde bakoitzeko ale banatan, goiburuan adierazitako lekuan eta egunean.

Aritz Otxandiano Kanpo GIZABIDEA
Bergarako Alkatea



GIZABIDEA FUNDAZIOA



Gorka Antón Alberdi